

御纂醫宗金鑑

金部  
卷四

訂正傷寒論註

辨陽明病脈證併治全篇



御纂醫宗金鑑卷四

訂正仲景全書傷寒論註陽明全篇目錄

白虎加人參湯

白虎湯

小承氣湯

麻仁丸

調胃承氣湯

大承氣湯

蜜煎導方

豬膽汁導方

土瓜根導方

豬苓湯

麻黃連軀赤小豆湯

茵陳蒿湯

梔子蘗皮湯

小承氣湯

白朮湯

白朮散

五神方全書醫案諸書別冊全書目錄

醫宗金鑑卷四



御纂醫宗金鑑卷四

訂正仲景全書傷寒論註

辨陽明病脈證并治全篇

陽明主裏內候胃中外候肌肉故有病經病府之分如論  
中身熱煩渴目痛鼻乾不得眠不惡寒反惡熱者此陽明  
經病也潮熱譫語手足腋下濇然汗出腹滿痛大便鞭者

此陽明府病也而其候各有三經病則有邪已傳陽明而  
太陽之表未罷兼見頭痛惡寒無汗之太陽證者有太陽  
之邪已罷悉傳陽明但見壯熱有汗心煩不眠口渴引飲  
之陽明證者有陽明之邪未已復轉少陽兼見胸脇痛寒



熱往來口苦而嘔目眩耳聾之少陽證者府病則有大陽

陽明謂太陽病或發汗或吐或下或利小便亡其津液胃

中乾燥太陽之邪乘胃燥而轉屬陽明致小便反數大便

鞣者所為脾約是也有正陽陽明謂陽氣素盛或有宿食

太陽之邪一傳陽明遂入胃府致大便不通者所為胃家

實是也有少陽陽明謂病已到少陽法當和解而反發汗

利小便亡其津液胃中燥熱復轉屬陽明致大便結燥者

所為大便難者是也其治陽明經病則以葛根湯或桂枝

加葛根湯發之或以白虎湯清之或以柴胡白虎湯和之

隨其證而施之可也其治陽明府病雖均為可下然不無



輕重之分故或以三承氣湯下之或麻仁丸通之或蜜煎  
膽汁導之量其病而治之可也此陽明病之大略也  
在經在府二者詳疏於篇俾讀者易為分別則臨證施治  
自不紊矣

陽明之為病胃家實是也

註

陽明經內以候胃外以候肌言陽明之為病由太陽之邪  
傳於其經則為陽明病外證由太陽之邪傳入胃府則為  
胃家實也

集註

方有執曰陽明經也胃府也實者大便結為鞭滿而不得  
出也雖則遲早不同而非日數所可拘也



傷寒三日陽明脈大

註

傷寒一日太陽二日陽明三日少陽乃內經言傳經之次

第非必以日數拘也此云三日陽明脈大者謂不兼太陽

陽明之浮大亦不兼少陽陽明之弦大而正見正陽陽明

之大脈也蓋由去表傳裏邪熱入胃而成內實之診故其

脈象有如此者

集註

方有執曰傷寒三日該中風而大約言也脈大者陽明氣

血俱多也

沈明宗曰此正陽明之正脈也仲景謂三日陽明脈大因

陽明乃多氣多血之府風寒傳入邪盛於中故脈顯大是



爲陽明邪實之正脈但病陽明務具此脈方可下奪或兼  
太陽之浮緊少陽之弦細或遲疾滑濇虛弱乃屬氣血陰  
陽之虛雖見大實大滿亦當詳審顧慮或以小承氣湯試  
之或用蜜煎導法不得直施攻下也

本太陽初得病時發其汗汗先出不徹因轉屬陽明也

註

陽明之病本自太陽初得病時發其汗汗先出而不透徹  
乃爲汗不如法故未盡之邪因而轉屬陽明也邪在經則  
爲外證邪入府則爲胃家實也

集註

方有執曰此言由發太陽汗不如法致病入胃之大意

陽明病若能食名中風不能食名中寒



註太陽病邪傳陽明病有自中風傳來者有自傷寒傳來者

當於食之能否辨之若能食名中風是自中風傳來者以

風乃陽邪陽能化穀故能食也不能食名中寒是自傷寒

傳來者以寒乃陰邪不能化穀故不能食也

集註方有執曰此以食之能否驗風寒之辨蓋陽明主水穀風

能食陽能化穀也寒不能食陰不殺穀也名猶言為也中

寒即傷寒之互詞大意推原風寒自太陽傳來其辨驗有

如此者非謂陽明自中而然也

汪琥曰仲景云中寒與傷寒同義非真寒證也若係真中

寒是胃家虛冷藥宜理中湯之類今不能食是胃氣實但



邪未入汗不作鬱熱耳因名中寒實與傷寒無異

問曰陽明病外證云何答曰身熱汗自出不惡寒反惡熱也

註

陽明病有外證有內證潮熱自汗不大便內證也身熱汗

自出不惡寒反惡熱外證也今汗自出是從中風傳來故

與中風之外證同而身熱不惡寒反惡熱則知為陽明外

證故不與中風外證同也然陽明之熱發於肌肉必蒸蒸

而熱又不似太陽之陣陣發熱可知矣

集註

方有執曰此以太陽中風傳入陽明之外證言

魏荔彤曰病有太陽中風不解傳入陽明者何以辨之故

設問曰陽明未知其裏之何時傳來必先驗其外之句所



見證答曰太陽病有身熱汗自出而惡風者此太陽中風之本證也若身熱汗自出竟不惡風寒而反惡熱則病已去太陽而入陽明矣此陽明病由太陽中風而傳入者也問曰病有得之一日不發熱而惡寒者何也答曰雖得之一日惡寒將自罷即自汗出而惡熱也

註

太陽病當惡寒陽明病當惡熱今陽明病有初得之一日不發熱而惡寒者是太陽去表之邪未盡故仍惡寒也然去表未盡之邪欲傳陽明不能久持故惡寒必將自罷即日當自汗出而惡熱矣

集註

方有執曰此以太陽傷寒傳入陽明之外證言



程應旄曰陽明惡寒終是帶表至於府病則惡熱矣表之

罷否須於此驗之

鄭重光曰此辨陽明傷寒之外證不發熱而惡寒起自傷

寒也惡寒將自罷邪過表也即自汗出邪熱鬱於肌肉腠

理開汗外洩也

魏荔彤曰太陽傷寒亦有傳入陽明者又何以辨之故設

問曰病有得之一日起初之時不見發熱而但見惡寒者

何病也答曰得之一日惡寒雖為太陽傷寒之證而惡寒

亦將自罷即自汗出而發熱此是陽明病由太陽傷寒而

傳入者也可知太陽中風則發熱惡風汗自出為正病太



陽傷寒則惡寒無汗為正病若傳入陽明則必以汗出惡

熱為正病也

問曰惡寒何故自罷答曰陽明居中主土也萬物所歸無所復

傳始雖惡寒二日即止此為陽明病也

註

此釋上條陽明惡寒自罷之義陽明屬胃居中土也土為

萬物所歸故邪熱歸胃則無所復傳亦萬物歸土之義陽

明初病一日雖仍惡寒是太陽之表未罷也至二日惡寒

自止則是太陽之邪已悉歸併陽明此為陽明病也

集註

方有執曰惡寒二日自止者熱入裏而將惡熱此以正陽

陽明言也



南京中醫藥大學圖書館版

程應旄曰六經雖分陰陽而宰之者胃五藏六府皆朝宗而稟命焉一有燥熱無論三陽傳來之邪從而化熱即三陰傳來之邪亦轉屬而變熱陰陽之邪皆歸胃土故曰胃物所歸無所復傳也

問曰何緣得陽明病答曰太陽病若發汗若下若利小便此亡津液胃中乾燥因轉屬陽明不更衣內實大便難者此名陽明也

註問曰何緣得陽明胃實之病答曰由邪在太陽時發汗若下若利小便皆為去邪而設治之誠當則邪解而愈矣如其不當徒亡津液致令胃中乾燥則未盡之表邪乘其燥

熱因而轉屬陽明爲胃實之病者有三曰不更衣卽太陽  
陽明脾約是也曰內實卽正陽陽明胃家實是也曰大便  
難卽少陽陽明大便難是也三者雖均爲可下之證然不  
無輕重之別脾約自輕於大便難大便難自輕於胃家實  
蓋病脾約大便難者每因其人津液素虧或因汗下利小  
便施治失宜所致若胃實者則其人陽氣素盛胃有宿食  
卽未經汗下而亦入胃成實也故已經汗下者爲奪血致  
燥之陽明以滋燥爲主未經汗下者爲熱盛致燥之陽明  
以攻熱爲急此三承氣湯脾約丸及蜜煎土瓜根猪膽汁  
導法之所由分也

集註方有執曰古人大便必更衣不更衣言不大便也

程應旄曰轉屬層次不止有表能不能之分而表能入裏

復有燥實燥不實之辨所以有不更衣之陽明病有因胃

之陽明病有大便難之陽明病也其中有屬表屬裏所以

下法有禁有宜受氣有裏實裏燥所以下法有應大應小

汪琥曰或問太陽病若下矣則胃中之物已去縱亡津液

胃中乾燥未必復成內實答云方其太陽初病時下之不

當徒亡津液胃中之物去之不盡邪傳陽明而成燥糞故

平脈有內實之證熱飲實大便數出

問曰病有太陽陽明有正陽陽明有少陽陽明何謂也答曰太





陽陽明者脾約是也正陽陽明者胃家實是也少陽陽明者發汗利小便已胃中燥煩實大便難是也

註

陽明可下之證不止於胃家實也其綱有三故又設問答

以明之也太陽之邪乘胃燥熱傳入陽明謂之太陽陽明不更衣無所苦名脾約者是也太陽之邪乘胃宿食與燥熱結謂之正陽陽明不大便內實滿痛名胃家實者是也太陽之邪已到少陽法當和解而反發汗利小便傷其津液少陽之邪復乘胃燥轉屬陽明謂之少陽陽明大便澀而難出名大便難者是也

集註程知曰言三陽皆有入胃府之證也陽明為水穀之海中

